



JUAN FARIÑA



**Somos
Bergondo**



Vota

**Alternativa
dos Veciños**



Somos Bergondo

Neste qr tes todo o que Bergondo necesita: propostas xerais e propostas específicas para as 9 parroquias e o polígono



Despois de 44 anos de gobernos de PP e PSOE é momento de cambiar o rumbo. As carencias do noso concello son notables, máis temos enormes potencialidades.

É momento de confiar na única alternativa posible para poñer Bergondo a funcionar de verdade.

O modelo a seguir xa existe: chámase Oleiros.

A economía turística

Temos que reforzar as nosas posibilidades **turísticas** para xerar novos impulsos económicos aproveitando os nosos grandes valores patrimoniais e naturais e a privilexiada ubicación do noso concello.

Humanizar a atención ás persoas no Concello

Temos que **acabar inmediatamente coa cita previa obrigatoria** nas oficinas municipais, ademáis de desenvolver as posibilidades do **Regulamento de Participación Veciñal** impulsado por Alternativa.

Promoveremos a instalación de paneis informativos electrónicos en lugares céntricos do Concello.

A seguridade

Temos que ampliar o cadro de persoal da **Policía Local** para ter cubertos os 365 días do ano, así como combater de xeito eficaz o vandalismo.



Coidar a natureza

Un exquisito coidado da privilexiada contorna na que temos a sorte de vivir, preservando os valores naturais, protexendo a súa riqueza e defendéndoo de novas ameazas.



Espazos naturais

Debemos crear espazos naturais de interese local (ENIL) nos bosques de **Callou** e nos de **Lubre/Costa de Ouces** (entroncando coa zona protexida das **brañas de Sada**, cunha senda que comezaría en **Cambade**).

Somos verdes



Aprobar o Plan Xeral de Urbanismo

Para ter un urbanismo limpo e ben regulado, sen cacicadas. Medrar sen deteriorar a natureza, senon potenciándoa. Podemos facelo mellor. Con boa planificación, pensada para que a xente poida levar unha vida sana e feliz.

Mellorar a vida

Modelos que aproveiten os grandes valores do noso territorio para gañar calidade e contribuir a un planeta máis limpo e a un modo de vida máis activo.

Temos experiencia e valentía para levar adiante profundas transformacións.

Necesítamolos para converter Bergondo nun lugar no que todas e todos vivamos mellor.



A comarca da Coruña necesítanos a todas e todos, vivamos onde vivamos.

Desde Bergondo contribuímos á forza de case medio millón de persoas na rexión máis próspera de Galicia. Temos que responder en común a novos retos ambientais, territoriais e de xestión.

Somos potencia



Novas infraestruturas

Que nos permitan organizarnos mellor. Reclamar sen complexos a outras administracións todo o que están obrigadas a mellorar para facernos a vida máis doada, tal como as rotondas de Guísamo ou outras vías que non están no noso concello, pero moi importantes para nós, como a Avenida de Alfonso Molina, a ponte da Pasaxe ou a Vía Ártabra.

Completar a rede de vías de alta capacidade, comunicarnos mellor entre os concellos e coa cidade, mellorar o transporte público, conseguir unha mobilidade máis amable e menos contaminante son os nosos obxectivos.

Urbano e natural

Profundar aínda máis nas interesantes transicións entre a cidade densa e a suave natureza dos concellos metropolitanos, que se complementan e nos permiten unha vida variada, sana e agradable, con enormes posibilidades.

Organizarnos mellor

Conseguir servizos mancomunados e políticas coordinadas e audaces para gañar resiliencia e posicionar a nosa área metropolitana da Coruña no cumio da calidade de vida.

As persoas, sempre por diante

Queremos facilitar o **intercambio de material para persoas dependentes** e que non teñan que adquirilo, mellorar a **xestión da Lei de Dependencia**, así como ampliar os servizos sociais a outros grupos de idade.



Somos persoas

Coidar mellor da nosa xente

Promover unha **vida activa** para as persoas maiores, potenciar a **oferta de actividades** para eles, e estudar a construción de **residencias públicas**, para fomentar as políticas dos coidados.

O benestar das persoas maiores

Crear un **Centro de Día** para os nosos maiores, potenciar e reforzar a asistencia a domicilio e o **Servizo de Axuda no Fogar (SAF)** para maiores e dependentes.

Defendemos a **educación ou a sanidade pública** e universal, garantía de igualdade e xoias do noso modelo social.

Máis e mellores empregos

Trataremos de recuperar a economía prestando especial atención ao motor económico do noso concello, o **Polígono de Bergondo**.

Resulta necesaria a creación dun **viveiro de empresas** para fomentar as vocacións emprendedoras e unha **escola taller** para promover oficios de alta demanda laboral.





O deporte, a vida saudable

Conforme ao deseño do PXOM, crearemos en Bergondo unha ampla **Zona Deportiva Central**, con **campo de fútbol, pistas deportivas e piscina municipal**, para que todas e todos podamos levar unha vida activa e saudable.

Somos acción



A cultura, unha base para o progreso

Creación de dúas auténticas bibliotecas, con enfoque moderno e de acceso libre controlado as 24 horas do día. Unha en Bergondo e outra en Guísamo (Biblioteca “José García Verdía”, na antiga reitoral).

A vida a calquera idade

Respostas para todas as idades, desde unha infancia máis libre e socialmente integrada, ata unha madurez chea de oportunidades, pasando por unha xuventude crítica e proveitosa, e un período laboral no que ademais do traballo sexa doado un ocio despreocupado e saudable.

.gal

Un profundo compromiso para que a lingua galega reverdeza, deixe de perder usos e mellore o seu papel como vehículo de comunicación entre as persoas, á par do castelán ou o inglés.

O Plan Xeral

É fundamental para definir **como queremos que sexa Bergondo**, un Concello que debe combinar a súa vocación residencial coa comercial derivada do seu potente polígono. Necesitamos definir o municipio que queremos deixar aos nosos fillos e netos.

A xente moza

Potenciar a **Casa da Mocidade** (impulsada no seu día por Alternativa), mediante a creación dunha OMIX (**Oficina municipal de información xuvenil**) e ofertar actividades variadas e abundosas para os nosos mozos. Crearemos outra Casa da Mocidade en Guísamo.

A vivenda

Unha política que incida na creación de **vivenda pública** e vivenda asequible para que a xente moza poida acceder a ela.

Os apoios da Deputación

Desde que a Alternativa dos Veciños está na Deputación, aumentaron de xeito considerable tanto as accións de **mantemento como os novos pavimentados das vías provinciais en Bergondo**, que conforman unha boa parte do noso tecido viario, co que se mellora a seguridade e a habitabilidade dos nosos núcleos.





1. Juan Antonio Fariña Pedreira
2. María Pilar Barja Val
3. Pablo Santiso Vázquez
4. Pablo Saavedra Saavedra
5. Iria Gómez Carro
6. Iván Matos Recouso
7. Maricel Miramontes Vidal
8. José Antonio Rodríguez Lorenzo
9. Gloria Vanessa Piñeiro Vázquez

10. Ana María Álvarez Eiroa
11. José Manuel Antelo Santamaría
12. María Dolores Trillo Cabana
13. Eloy Babío Veiga

Suplentes:

1. María Luz Val Moure
2. José Luis Galindo Ojea



**Somos
Bergondo**

Vota



**Alternativa
dos Veciños**